



## **PROCEDURE**

### **O POSTUPANJU PO ZAHTJEVIMA ZA ZAKLJUČENJE UGOVORA O OTKUPU ELEKTRIČNE ENERGIJE IZ OIE IZ POSTROJENJA U PROBNOM RADU I UGOVORA O OTKUPU ELEKTRIČNE ENERGIJE IZ OIE PO REFERENTNOJ CIJENI**

**novembar, 2014. godine**

Na osnovu člana 10. Zakona o korištenju obnovljivih izvora energije i efikasne kogeneracije ("Službene novine Federacije BiH", broj 70/13 i 05/14) i člana 6. i 31. Statuta Operatora za obnovljive izvore energije i efikasnu kogeneraciju, broj 01-242/14 od 02.09.2014, direktor Operatora za obnovljive izvore energije i efikasnu kogeneraciju, uz prethodnu saglasnost Upravnog odbora Operatora za obnovljive izvore energije i efikasnu kogeneraciju d o n o s i

## **PROCEDURE**

### **O POSTUPANJU PO ZAHTJEVIMA ZA ZAKLJUČENJE UGOVORA O OTKUPU ELEKTRIČNE ENERGIJE IZ OIE IZ POSTROJENJA U PROBNOM RADU I UGOVORA O OTKUPU ELEKTRIČNE ENERGIJE IZ OIE PO REFERENTNOJ CIJENI**

#### **POGLAVLJE I. OSNOVNE ODREDBE**

##### **Član 1. (Sadržaj i predmet Procedura)**

Ovim Procedurama propisuju se procedure o postupanju po zahtjevu za zaključenje ugovora o otkupu električne energije iz obnovljivih izvora energije (u daljem tekstu: OIE) iz postrojenja u probnom radu i ugovora o otkupu električne energije iz OIE po referentnoj cijeni, obaveznoj dokumentaciji koja se dostavlja uz zahtjev i sklapanje ugovora o otkupu električne energije iz OIE u probnom radu i ugovora o otkupu električne energije iz OIE po referentnoj cijeni između Operatora za obnovljive izvore energije i efikasne kogeneracije (u daljem tekstu: Operator za OIE i EK) i proizvođača električne energije iz OIE u probnom radu i kvalifikovanih proizvođača električne energije iz OIE, kako je to utvrđeno Zakonom o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 05/14) (u daljem tekstu: Zakon), Zakonom o električnoj energiji u Federaciji Bosne i Hercegovine („Službene novine Federacije BiH“ broj 66/13), i Uredbom o podsticanju proizvodnje električne energije iz obnovljivih izvora energije i efikasne kogeneracije i određivanju naknada za podsticanje.

##### **Član 2. (Definicije)**

Pojmovi koji se koriste u ovim Procedurama imaju značenje utvrđeno Zakonom.

#### **POGLAVLJE II. POSTUPAK PRIJEMA ZAHTJEVA ZA ZAKLJUČENJE UGOVORA O OTKUPU ELEKTRIČNE ENERGIJE IZ POSTROJENJA U PROBNOM RADU**

##### **Član 3. (Prijem zahtjeva)**

(1) Postupak prijema zahtjeva za zaključenje ugovora o otkupu električne energije iz OIE iz postrojenja u probnom radu vršiti će se u skladu sa Zakonom o upravnom postupku Federacije BiH („Službene novine Federacije BiH“, broj 02/98 i 48/99) i ovim Procedurama.

(2) Zahtjev za zaključenje ugovora o otkupu električne energije iz OIE iz postrojenja u probnom radu s pratećom dokumentacijom zaprima se u prostorijama Operatora za OIEiEK ličnim podnošenjem ili putem pošte.

(3) U prilogu zahtjeva iz stava (2) ovog člana podnosilac zahtjeva dužan je dostaviti:

- a) Aktuelni izvod iz sudskog registra nadležnog suda, izvod odnosno potvrdu o upisu u drugi odgovarajući registar izdatu od nadležne institucije;
- b) Registarski i porezni broj podnosioca zahtjeva;
- c) Izjavu podnosioca zahtjeva o svim otvorenim transakcijskim računima kod komercijalnih banaka i bankarska potvrda njihovog statusa;
- d) Glavni projekt ili dio tehničke dokumentacije iz Glavnog projekta iz rješenja o odobrenju građenja, a koja sadrži tehničke podatke, tehnička rješenja i ekonomsko – finansijsku analizu projekta, uključujući i vrijednost investicije;
- e) Energetsku dozvolu koju izdaje Federalno ministarstvo energije, rudarstva i industrije;
- f) Upotrebnu dozvolu za postrojenje;
- g) Akt/ugovor o priključenju na prijenosni odnosno distributivni sistem, sa potvrdom nadležnog operatora da je mjesto postrojenja koje je predmet zahtjeva izvedeno u skladu sa važećim propisima i pravilima koji regulišu ovu oblast;
- h) Ugovor o korištenju distributivne mreže;
- i) Ugovor o snabdijevanju električnom energijom;
- j) Podatke o licu/licima odgovornom za rad elektrane (ime, funkcija, telefon, faks, e-mail).

(4) Dokumentacija iz stava (3) ovog člana dostavlja se u originalu ili ovjerenoj fotokopiji.

#### **Član 4. (Nekompletan zahtjev)**

(1) Zahtjev za zaključenje ugovora o otkupu električne energije iz OIE iz postrojenja u probnom radu će se smatrati nekompletnim ako podnosilac zahtjeva nije dostavio sve potrebne dokumente iz člana 3. stav (3) ovih Procedura.

(2) Operator za OIEiEK je dužan podnosioca zahtjeva, pismeno obavijestiti o utvrđenim nedostacima iz stava (1) ovog člana, te odrediti rok od 15 dana za otklanjanje utvrđenih nedostataka.

(3) Ako podnosilac zahtjeva otkloni nedostatke u datom roku Operator za OIEiEK nastavlja postupak po podnesenom zahtjevu.

(4) Ako podnosilac zahtjeva ne otkloni nedostatke u datom roku smatrati će se da takav zahtjev nije ni podnesen, o čemu se podnosilac zahtjeva posebno upozorava u pozivu za ispravku nedostataka iz stava (1) ovog člana.

(5) Rok za rješavanje po zahtjevu podnosioca iznosi 30 dana od dana kompletiranja zahtjeva.

#### **Član 5. (Ugovor o otkupu električne energije)**

(1) Nakon dostave potrebnih dokumenata podnosilac zahtjeva stiče pravo potpisivanja Ugovora o otkupu električne energije iz OIE iz postrojenja u probnom radu.

- (2) Ugovor iz stava (1) ovih Procedura ne može trajati duže od šest mjeseci.
- (3) U toku probnog rada otkup proizvedene električne energije iz postrojenja koja koriste OIE vrši se po referentnoj cijeni.

### **POGLAVLJE III. POSTUPAK PRIJEMA ZAHTJEVA ZA ZAKLJUČENJE UGOVORA O OTKUPU ELEKTRIČNE ENERGIJE IZ OIE PO REFERENTNOJ CIJENI**

#### **Član 6. (Prijem zahtjeva)**

- (1) Postupak prijema zahtjeva za zaključenje ugovora otkupu električne energije iz OIE po referentnoj cijeni vršiti će se u skladu sa Zakonom o upravnom postupku Federacije BiH („Službene novine Federacije BiH“, broj 02/98 i 48/99) i ovim Procedurama.
- (2) Zahtjev za zaključenje ugovora otkupu električne energije iz OIE po referentnoj cijeni s pratećom dokumentacijom zaprima se u prostorijama Operatora za OIEiEK ličnim podnošenjem ili putem pošte.
- (3) U prilogu zahtjeva iz stava (2) ovog člana podnosilac zahtjeva dužan je dostaviti:
- a) Elektroenergetska saglasnost;
  - b) Aktuelni izvod iz sudskog registra nadležnog suda, izvod odnosno potvrdu o upisu u drugi odgovarajući registar izdatu od nadležne institucije;
  - c) Registarski i porezni broj podnosioca zahtjeva;
  - d) Izjavu podnosioca zahtjeva o svim otvorenim transakcijskim računima kod komercijalnih banaka i bankarska potvrda njihovog statusa;
  - e) Glavni projekt ili dio tehničke dokumentacije iz Glavnog projekta iz rješenja o odobrenju građenja, a koja sadrži tehničke podatke, tehnička rješenja i ekonomsko – finansijsku analizu projekta, uključujući i vrijednost investicije;
  - f) Energetsku dozvolu koju izdaje Federalno ministarstvo energije, rudarstva i industrije,
  - g) Upotrebnu dozvolu za postrojenje;
  - h) Dozvolu za rad - licence za obavljanje djelatnosti proizvodnje električne energije, koja sadrži i dokaz o sticanju statusa kvalifikovanog proizvođača;
  - i) Akt/ugovor o priključenju na prijenosni odnosno distributivni sistem, sa potvrdom nadležnog operatora da je mjesto postrojenja koje je predmet zahtjeva izvedeno u skladu sa važećim propisima i pravilima koji regulišu ovu oblast;
  - j) Ugovor o korištenju distributivne mreže;
  - k) Podatke o licu/licima odgovornom za rad elektrane (ime, funkcija, telefon, faks, e-mail).

- (4) Dokumentacija iz stava (3) ovog člana dostavlja se u originalu ili ovjerenoj fotokopiji.

#### **Član 7. (Nekompletan zahtjev)**

- (1) Zahtjev za zaključenje ugovora otkupu električne energije iz OIE po referentnoj cijeni će se smatrati nekompletnim ako podnosilac zahtjeva nije dostavio sve potrebne dokumente iz člana 6. stav (3) ovih Procedura.

(2) Operator za OIEiEK je dužan podnosioca zahtjeva, pismeno obavijestiti o utvrđenim nedostacima iz stava (1) ovog člana, te odrediti rok od 15 dana za otklanjanje utvrđenih nedostataka.

(3) Ako podnosilac zahtjeva otkloni nedostatke u datom roku Operator za OIEiEK nastavlja postupak po podnesenom zahtjevu.

(4) Ako podnosilac zahtjeva ne otkloni nedostatke u datom roku smatrati će se da takav zahtjev nije ni podnesen, o čemu se podnosilac zahtjeva posebno upozorava u pozivu za ispravku nedostataka iz stava (1) ovog člana.

(5) Rok za rješavanje po zahtjevu podnosioca iznosi 30 dana od dana kompletiranja zahtjeva.

### **Član 8. (Ugovor o otkupu električne energije)**

Nakon dostave potrebnih dokumenata podnosilac zahtjeva stiče pravo potpisivanja Ugovora o otkupu električne energije iz OIE po referentnoj cijeni, ukoliko je njegova proizvodnja uvrštena u obavezujuće kvote propisane Akcionim planom Federacije BiH za korištenje OIE.

## **POGLAVLJE IV. ZAVRŠNE ODREDBE**

### **Član 9. (Neregulisana pitanja)**

O pitanjima koja nisu utvrđena ovim Procedurama, odlučivat će se u svakom konkretnom slučaju u skladu sa važećim pravnim propisima u Federaciji Bosne i Hercegovine.

### **Član 10. (Izmjene i dopune)**

Izmjene i dopune ovih Procedura vrše se na način i po postupku propisanom za njihovo donošenje.

### **Član 11. (Stupanje na snagu)**

Ove Procedure stupaju na snagu danom donošenja, a objavit će se na internet stranici Operatora za OIEiEK.

Broj:02-534/14  
Mostar, 04.11.2014. godine



**DIREKTOR**  
**Hajrudin Bećirović**